

第十四行功

鐵杖老人李元中著

慈航有諦檣帆迴業海之波法雨無邊霹靂起枯苗之穎成已
成人成物斯兩地以參天立功立德立言可存神而過化故從
龍潤礎沾甘澍於堯雲顧兔維箕拂薰風於舜瑟藥轉三華之
采黍谷温回符飛六甲之靈魔天影閉浣仙塵而反骨全家之
雞犬皆昇超佛劫以辭胎七寶之鏡臺普照逐篇伎倆須舍易
以從難如法循行在因時而審勢

遣風雨

風雨曷為遣以回天也天曷為乎回以膏苗以息火也火可息
苗可膏乎曰可曷以可曰亦猶行古之道也古之道奈何藥巴

道藏輯要

金丹心法下
行功

卷

又壁集六
x. 0. 8

嘆酒燄靖成都葛玄飛符雨甘京國古之人有行之者天可回
也蓋聖真道成代天行化旱既太甚雨以膏之火燎而炎則回
無阻之風以息之然則曷以雨曷以風曰法之傳道成斯獲雖
預白無以為也遣以符遣以咒也反風功五百祈雨者千久雨
祈晴功三百招風功一百惟其貞

詩

天倪澹遠性空濛

喚轉風雲片刻中

曰長嘯一聲人不見

亂烟初散日初紅

逐蝗蝻

春秋重民命謹天災是故蝗則書蝻生則志蝻者蝗之子蝗者
蝻所成田祖有神秉畀炎火非好殺以生耒也然則蝻無形則

火之蝗已羽則風之風之於斤鹵海濱命可全禾不害此遣風之一奇也蟻之胎胎於地冬有雪則深入地下因雪之次數而入愈深焚真乙罡符蟻斯浮出出則火火則除除蟻是為二百功驅蝗功三百故周一清之修道也作書諭蝗神神奉書遂帥蝗遠遁此得驅蝗意仁義兼也順好生之道道故成符有度師傳傳待時不具錄

詩 火速靈文號召時 靈籙搜捕種無遺

曰 未經撲滅薨薨羽 急遣颶風送海涯

驅鬼怪

曷為鬼怨鬼遊魂也怪者何精魅也曷以分鬼怪入室觀其氣

道藏輯要

金丹心法下

五

又壁集六

氣有分曷以驅驅以類祖天師之除魔鬼旌陽之斬蛟同道人入宮命關壯繆皆驅也其明證也故鬼有宿怨則解其冤魂之遊則超使度泊超而解矣而猶肆其侵陵是宜驅驅以小彪法小彪之弗去是曰怙終申疏諸天謝罪告開戒乃用大彪法法不預傳恐輕試精魅為妖妖則妄干用五雷正法法在驅使去勿賊其生一度記功千毋輕殺然有隨身將法乃効靈故預煉罡將一員供使令

詩 千靈敬仰一身孤 不仗青蛇崇白驅

曰 卻怪湧蓮香水鉢 雷峯塔錮冷西湖

利幽囚

吾道慈悲重度人尤思度鬼葛公相薩公師位證大羅用斯道也然則鬼將曷以度憑吾道力利以神利之將奈何四時之序八節之期諸天赦罪消災之令會牒掌陰天將令釋幽囚送醮壇聽法論法曷諭乎爾天堂樂地獄可悲舉吾證道因爲剖告告斯悅悅斯悲流涕而求度於是淨我化神之舊府吸幽囚用無爲真火煉七日止火出定吹氣向天送詣南宮紫府間俾證道道在至心觀想另有傳然後爲誦三元解厄經禮皇籤俾消往罪祈證因一年三次紀功千十年功萬萬功滿獲飛昇是爲冠諸功他皆弗若

詩 黑海瀾漫渡莫能

風淒霧慘欲成冰

道藏輯要

金丹心法下
行功

書

又壁集六
又日

曰 慧光忽化流金火

煉散愁雲十八層

勸孝悌

木有本水有源源本在人爲孝悌本實撥人也而禽滋長而發榮先培本聖真道濟重本源爲撰良言談果報爲木鐸爲暮鼓晨鐘爲霹靂雷爲浸潤爲深爲淺爲感爲懲苦口慈腸提撕而警覺化人而人化功三千普暨大千發天性爲太和用嘉乃功功萬萬飛昇操左券鶴在帝心位極天人不在三元下

詩 春回沆瀣露回霜

烝父庭幃翕雁行

曰 執得萱荆花笑否

交柯繞砌藹天香

遏貪淫

貪淫者何孽海也曷言乎孽海貪斯逐逐則昏淫則迷迷斯亂
縱情濁性焚如死如棄如毒流爾後人莫之覺也古今之大患
也過之將奈何曰昏者燭以燈寐者驚之覺濃者淡之熱者寒
之悚之以天地鬼神如斯而已是故格一人使悟紀功千感而
讓金厥功倍嗚呼化炭為妖幻旌陽所以試及門也不忍點金
悞後人洞賓一念而成聖也知此義也故貴過貪淫

詩 濁浪排空到海渾 奔流氣勢嚙天根

曰 勞將柱向龍門砥 澈底清漣戴禹恩

療疾苦

療疾苦何也推我長生願延人世之年也孫思邈療龍徐秋夫

道藏輯要 金丹心法下 行功 垂 又壁集六

療鬼非我族類欲並生之而况乎同類故桐君之錄肘後之方
千金之祕義著書濟世證天醫療之將奈何曰外丹可濟也望
聞問切可憑也否則罹先世餘殃而或天人懇怒也為禳解為
詔之自新為勸好生為遷坐卜宅而後投以劑一服俾瘳愈一
人功一級若鑄新論廣良方垂久大之模功惟重

詩 棕箕斗笠舊生涯 一個葫蘆萬里家

曰 寧有禁方三十首 返魂香借白珠砂

救貧窮

仁心無既也而勢則良難勢難則曷以救之而俾無失所曰吾
力之所及而願以將之願之所至則周之而貧窮遂矣曷言力

之所及也曰目之所及見而吾耳所及聞也救之將奈何曰解推以通之而外丹可濟也抑倡之自我而資同善於人也衣食全資斧給妻孥贍喪葬完而貧窮救矣未也彼夫啣莫白之冤連公私之負寤於勢者薄於時者而排之而雪之而償而散之而解而紓之則是仁人君子之用心而平造物不平之憾

詩 兩袖清風酒一瓢 經年事業只蕭寥

曰 壺中貯有慈雲在 垂手窮途渡法橋

活萬靈

曷以名萬靈鳥獸蟲魚骸骨也骸骨曷以言乎活活於聖真也曷活於聖真以道力也今夫擲杯可爲鶴石可叱爲羊葛陂之

道藏輯要

金丹心法下
行功

奚

又壁集六

杖可爲龍飯可爲蜂蜂爲飯無情者可活而况羽毛骨角之猶存然則活之將奈何曰萃骨於一區步斗罡結龜印先煉以吾三昧火復取東方之生氣而咒以吹之咒有傳良師可授也少焉肉白骨復回生故曰以道力也既生後畀放生池院乃保全若聞殺而不見其形則誦往生咒十遍以吾意會物形送於冥曹求轉爲人道行之一歲厥功千至見殺而曲全之理所宜不具囑

詩 物苦操刀慘若何 曾將鐵案奪閻羅

曰 殘形偶沐吹嘘力 飛走旋看喜躍多

甦五穀

五穀成於地培於天曷以甦甦枯爛也曷以甦枯爛旱澇傷也
蓋澤雨爲災禾斯爛甦之將曷若曰聖真當水退步斗罡手印
結三山腹吸東方之生氣煉之一晝夜念真言呵真氣於田禾
斯起穀傷旱則將枯枯者曷以甦灑以北方真坎水灑之會誦
真言真言悉不傳傳恐褻如法流轉穀故甦至若視其禾田凝
黑氣是農人有咎獲戾於天則代釋其愆爲虔誦皇經三卷證
道愿寧遲一紀冀回天天鑒其心枯爛之禾可活也是爲無量
功一度三千功上達

詩 雨暘傷稼拂常經

力挽天災幸有靈

曰 苗稿淳興歡士女

甫田盈望已青青

道藏輯要

金丹心法下
行功

垂

又壁集六
又又川

興廢教

儒道釋教日月星也三光不可磨三教烏能廢教不廢曷云興
蓋緣教中不肖徒予以可乘隙復開衅於奸貪輩遂以構其緣
蔽主聰聳官聽矣興之將何以藝祖除佛教禍將延薄暮偶微
行適見頭陀醉卧地帝震怒念益堅僧乃蹶然興婉言謝藝祖
夜已暝非帝獨行時卒有不虞悔何及吾護汝速歸爾宮帝乃
悚然得不廢元世祖之謗玄也尊釋氏中宮方彌月帝望生男
詢國師師曰女也國師者楊璉真伽世祖所崇信言應如抱復
問邱長春曰青宮主器然知必公主且聞國師言對以男思以
勝國師俾帝悟玄之妙也旋以衛教故露祈上帝轉陰陽旣乃

果得男故益重長春崇道教興廢教者施大法力顯大神通悟
君心全民命俾感悟教乃興興教者功萬

詩 祛盡浮雲捲盡愁 青天已補月重修

曰 撐開世界烟霞外 揮手歸來鶴背秋

度真言

真言曷謂聖神心法也曷以度發前人所未發啟後人也又經
以懺名玄理倍深多咒錄出生死消罪愆福壽所由增功尤劇
聖真撰著紀萬功且夫道德五千言太上傳關尹厥後復以南
北斗經錄授天師歷代聖神語錄交相授金繩寶炬度盡有心
人故功德無邊超塵出劫金丹心法余輩不邀功惟望後賢不
道藏輯要 金丹心法下 行功 矣 又壁集六 川文上

負苦心願內丹就功行圓加面壁九年而證飛昇之果消凡累
入化神億萬斯年度九祖至矣微矣蔑以加矣而大人之事畢
矣勉之企予望之

詩 羽化真修何處尋 漫憑往籍認傳心

曰 而今祕授飛神訣 珍重琅函值萬金